

修正課程標準適用

新編
高中
中國
文

宋文翰
張文治
編

第六冊

上海中華書局印行

民國二十六年八月初版

修正課程標準適用

新編高中中國文（全六冊）

◎第六冊實價國幣一元二角

（郵運匯費另加）

編者 宋文翰
張文治

發行者 中華書局有限公司
代表人 路錫三

印刷者 中華書局印務所
上海 澳門

總發行處 中華書局發行所
上海 福州

分發行處 各埠中華書局

有 不 著 准 作 翻 權 印

修正課程
標準適用

新編高中中國文

第六冊

目錄

頁數

一	原法	黃宗羲	一
二	與友人論學書	顧炎武	五
三	寧南侯傳	侯方域	一〇
四	寄兄弟書	魏禧	一八
五	東郭簫鼓兒詞	蒲松齡	二三
六	天雨花彈詞	陶貞懷	四二
七	漁樵話興亡	孔尚任	六七
八	伶工彈遺事	洪昇	八二
九	閻典史傳	邵長蘅	九一
一〇	陽曲傅先生事略	全祖望	九七
一一	獄中雜記	方苞	一〇四

一二	與孫以寧書	方苞	一〇九
一三	劉海峯先生八十壽序	姚鼐	一一三
一四	復魯絜非書	姚鼐	一一六
一五	古文十弊	章學誠	一一九
一六	劉老老	曹霨	一二二
一七	高要縣	吳敬梓	一四八
一八	釋三九	汪中	一五六
一九	經傳釋詞序	王引之	一六三
二〇	文言說	阮元	一七四
二一	出關與畢侍郎牋	洪亮吉	一七八
二二	洪稚存同年機聲燈影圖序	吳錫麒	一八二
二三	清詩十八首	吳偉業等	一八七
二四	三代因革論(五)	惲敬	一九九
二五	乙丙之際箸議第六	龔自珍	二〇三

二六	雜記三篇	梅曾亮	二〇八
二七	大界墓表	曾國藩	一一二
二八	致劉孟容書	曾國藩	一一七
二九	歐陽生文集序	曾國藩	一二四
三〇	答吳至甫書	張裕釗	一三二
三一	蘭陵女兒行	金和	一三六
三二	拜曾祖母李太夫人墓	黃遵憲	一四三
三三	察變	赫胥黎著 嚴復譯	一四八
三四	仇金	蘭姆著 林紓譯	一五三
三五	心理建設自序	孫中山	一六〇
三六	致黃克強書	陳其美	一六六
三七	三民主義之認識	胡漢民	一七八
三八	熊成基哀辭	章炳麟	一九三
三九	論式(節錄)	章炳麟	一九七

四〇	人間詞話(節錄)	王國維	三〇八
四一	論進取冒險	梁啟超	三二四
四二	「知不可而爲」與「爲而不有」主義(節錄)	梁啟超	三三九
四三	復林琴南書	蔡元培	三五三
	附林紓致蔡鶴卿太史書		三六四
四四	文學改良芻議	胡適	三七三
四五	幸福的家庭	周樹人	三九二
四六	近代散文鈔序	周作人	四〇三
四七	臥薪嘗膽(第二幕)	熊佛西	四一一
四八	新詩四首	劉大白等	四二四
	文章法則(辯論術)		四三三
一	辯論術的意義		四三三
二	辯論的題目		四三四
三	辯論的要點		四三八

四	證據·····	四四一
五	編製綱要·····	四四六
六	編製辯辭·····	四五四
七	演述的方法·····	四六〇
八	辯論的規則·····	四六二

修正課程
標準適用

新編高中中國文

第六冊

一 原法

黃宗義

三代以上有法，三代以下無法。

何以言之？二帝三王知天下之不可無養也，爲之授田以耕之；知天下之不可無衣也，爲之授地以桑麻之；知天下之不可無教也，爲之學校以興「一」之；爲之婚姻之禮以防其淫，爲之卒乘之賦「二」以防其亂；此三代以上之法也，固未嘗爲一己而立也。後之人主，既得天下，唯恐其祚命之不長也，子孫之不能保有也，思患於未然，以爲之法。然則其所謂法者，一家之法，而非天下之法也。是故秦變封建而爲郡縣「三」，以郡縣得私於我也；漢建庶孽「四」，以其可以藩屏於我也；宋解方鎮之權「五」，以方鎮之不利於我也；此其法何曾有一毫爲天下之心哉？而亦可謂之法乎？

三代之法，藏天下於天下者也「六」。山澤之利，不必其盡取；刑賞之權，不疑

其旁落；貴不在朝廷也，賤不在草莽也。在後世方議其法之疏，而天下之人不見上之可欲，不見下之可惡，法愈疏而亂愈不作，所謂無法之法也。後世之法，藏天下於筐篋者也〔七〕，利不欲其遺於下，福必欲其斂於上。用一人焉，則疑其自私，而又用一人以制其私；行一事焉，則慮其可欺，而又設一事以防其欺。天下之人共知其筐篋之所在，吾亦鯁鯁然日唯筐篋之是虞〔八〕，故其法不得不密；法愈密而天下之亂卽生於法之中，所謂非法之法也。

論者謂一代有一代之法，子孫以法祖爲孝。夫非法之法，前王不勝其利欲之私以創之，後王或不勝其利欲之私以壞之。壞之者固足以害天下，其創之者亦未始非害天下者也。乃必欲周旋於此膠彼漆之中，以博憲章之餘名，此俗儒之勦說也。

卽論者謂天下之治亂，不繫於法之存亡。夫古今之變，至秦而一盡〔九〕，至元而又一盡〔一〇〕；經此二盡之後，古聖王之所惻隱愛人而經營者，蕩然無具。苟非爲之遠思深覽，一一通變，以復井田、封建、學校、卒乘之舊，雖小小更革，生民之戚戚，終無已時也。

卽論者謂有治人，無治法〔一一〕。吾以謂有治法而後有治人。自非法之法桎梏天

下人之手足，卽有能治之人，終不勝其牽挽嫌疑之顧盼；有所設施，亦就其分之所
得，安於苟簡，而不能有度外之功名。使先王之法而在，莫不有法外之意存乎其間。
其人是也，則可以無不行之意；其人非也，亦不至深刻羅網，以害天下。故曰：
『有治法而後有治人。』

【題解】

原，謂推原事理之本始，後人用以爲文體名；如呂氏春秋之原亂篇，淮南鴻烈之原道篇，卽其濫觴。自唐以後，用者益多，不勝指屈。本文名曰原法，旨在推原帝王經世立法之意，因以論述古今不同之故。篇首云：『三代以上有法，三代以下無法，』所謂有法者，謂其法爲天下之人而立；無法者，謂其法爲一己或一家而立。爲天下之人立者，法不嫌疏；爲一己或一家者，法愈密而愈易生亂。篇末云：『有治法而後有治人，』所謂法，卽篇首所謂「三代以上有法」之法。前後照應，實爲全篇主旨之所在也。又本文載明夷待訪錄；是書爲黃氏入清後所作。明夷，本周易卦名；其象爲日入地中，明而見傷；又卦文有「箕子明夷」語。黃氏取以名書，蓋以己與箕子，同生喪亂易代之際，箕子辱於殷而終見訪於周；己作此書，或亦有知而用之者，蓋寓有守先待後之義也。

【作者略歷】

黃宗羲，字太沖，號梨洲，學者稱南雷先生。清餘姚人。父尊素，故明臣。明亡，宗羲奔走營救，卒無功。入清，隱居教授，數徵不起。其學推本陽明，博考經史，反求諸心。嘗言：『讀書不

多，無以證斯理之變化；多而不求於心，則爲俗學。』與顧炎武齊名，爲東南學者之冠。康熙三十四年卒，年八十六。門人私謚文孝。著有南雷文定、明儒學案、明夷待訪錄等書。

【注釋】

〔一〕興之義有二：一，猶舉也；周禮司徒鄉大夫『而興賢者能者』是。二，謂振起也，感化也；論語泰伯『則民興於仁』及孟子盡心上『待文王而後興者凡民也』是。〔二〕卒乘之賦，謂士卒車乘之斂取於民者。唐書劉蕡傳：『古者因井田以制軍賦，間農事以修武備，提封約卒乘之數，命將在公卿之列，故兵農一致，而文武同方。』可與此相參證。〔三〕詳見史記秦始皇本紀二十六年。〔四〕庶孽，謂妾媵所生子。漢初，諸帝廣建庶孽，以鎮撫四海，詳見史記漢興以來諸侯年表及漢書諸侯王表。〔五〕自唐玄宗以後，藩鎮跋扈，天子常俯首聽命而受其制。宋太祖既伐周，懲其流弊，用趙普策，精練禁旅，立更戍法，使諸將不得專其兵；復命文臣知州事，置諸州通判，統治軍民之政；而以甘言勸導勳臣石守信等，願釋去兵權，出守大藩。由是節度使之權乃輕，終宋之世，無藩鎮之禍。詳見續資治通鑑卷一至卷三。〔六〕意即天下爲公。〔七〕意即私於一身一家，黃氏原君篇所謂『攝絨膝，固局鑄』也。〔八〕鯁，音荳；恐懼貌。漢書兵刑志：『鯁鯁常恐天下之一合而共軛已也。』虞，憂也。按此言君主所憂者，乃一己得失之私事，與天下無關也。〔九〕謂秦不師古，專取便己，一切法制，盡變二帝三王之舊。〔一〇〕謂元人以蒙古入主中國，一切法度，盡變中國之舊。〔一一〕荀子君道篇：『有治人，無治法。……故法不能獨立，類（例也）不能

自行。得其人則存，失其人則亡。』又中庸哀公問政章有「其人存則其政舉」等語，所言亦爲「有治人，無治法」之意。

二、與友人論學書

顧炎武

比往來南北，頗承友朋推一日之長〔一〕，問道於盲。竊歎夫百餘年以來之爲學者，往往言心言性〔二〕而茫乎不得其解也。

命與仁，夫子之所罕言〔三〕也；性與天道，子貢之所未得聞〔四〕也。性命之理，著之易傳〔五〕，未嘗數以語人。其答問士也，則曰『行己有恥』〔六〕；其爲學，則曰『好古敏求』〔七〕；其與門弟子言，舉堯、舜相傳所謂危微精一之說〔八〕，一切不道，而但曰『允執其中，四海困窮，天祿永終』〔九〕。嗚呼，聖人之所以爲學者，何其平易而可循也！故曰『下學而上達』〔一〇〕。顏子之幾乎聖也，猶曰『博我以文』〔一一〕；其告哀公〔一二〕也，明善之功，先之以博學〔一三〕。自曾子而下，篤實無若子夏〔一四〕；而其言仁也，則曰『博學而篤志，切問而近思』〔一五〕。

今之君子則不然：聚賓客門人之學者數十百人，譬諸草木，區以別矣；而一皆與之言心言性。舍多學而識，以求一貫之方^{〔一六〕}；置四海之困窮不言，而終日講危微精一之說。是必其道之高於夫子，而其門弟子之賢於子貢，祧東魯而直接二帝之心傳^{〔一七〕}者也。我弗敢知也。

孟子一書，言心言性^{〔一八〕}，亦諄諄矣。乃至萬章、公孫丑、陳代、陳臻、周霄、彭更^{〔一九〕}之所問，與孟子之所答者，常在乎出處、去就、辭受、取與之間^{〔二〇〕}。以伊尹之元聖，堯舜其君其民^{〔二一〕}之盛德大功，而其本乃在乎千駟一介之不視不取^{〔二二〕}。伯夷、伊尹之不同於孔子也；而其同者，則以『行一不義，殺一不辜，而得天下不爲』^{〔二三〕}。是故性也、命也、天也，夫子之所罕言，而今之君子之所恆言也；出處、去就、辭受、取與之辨，孔子、孟子之所恆言，而今之君子之所罕言也。謂忠與清之未至於仁^{〔二四〕}，而不知不忠與清而可以言仁者，未之有也；謂不忤不求之不足以盡道^{〔二五〕}，而不知終身於忤且求而可以言道者，未之有也。我弗敢知也。

愚所謂聖人之道者如之何？曰『博學於文』，曰『行己有恥』。自一身以至於天下國家，皆學之事也；自子臣弟友以至出入、往來、辭受、取與之間，皆有恥之

事也。恥之於人大矣！不恥惡衣惡食〔二六〕，而恥匹夫匹婦之不被其澤〔二七〕。故曰：『萬物皆備於我矣，反身而誠。』〔二八〕

嗚呼！士而不先言恥，則爲無本之人；非好古而多聞，則爲空虛之學。以無本之人而講空虛之學，吾見其日從事於聖人而去之彌遠也。雖然，非愚之所敢言也；且以區區之見，私諸同志，而求起予〔二九〕。

【題解】

本文爲反對當時高言心性之王學而作，旨在以孔子「博學於文」「行己有恥」兩語爲學者之目標，矯正競尚空虛之弊。題中友人，當指湯斌。按湯斌有答顧亭林書，略謂：『承諭近日言學者，溺於空虛無當，最中今日流弊。竊謂孔門七十子，稱顏子最爲好學，孔子所與終日言而不違者。今論語所載，不過問仁、問爲邦而已。言仁，以視、聽、言、動合禮爲目；爲邦，以虞、夏、商、周制度爲準。喟然一歎，亦以博文、約禮爲夫子之善誘。則聖賢之學，非空虛無當也明矣。至曰「一貫」，曰「無言」，總見聖賢全體大用，內外合一，動靜無非道妙，亦非虛空之說所可假借』云云。所言適與此書相針對也。湯斌，字孔伯，號潛庵，清睢州人。順治進士，入翰林，累擢江寧巡撫，官至工部尚書。卒諡文正。其學原出孫奇逢，而能持朱、陸之平。大旨主刻勵實行，講求日用。著有洛學編、睢州志、湯子遺書及明史稿若干卷。

【作者略歷】

顧炎武，初名絳，字寧人，號亭林，自署蔣山傭，清崑山人。本明諸生，因守母遺志

誓不仕清。康熙間舉鴻博，修明史，皆力辭不赴。周遊四方，載書自隨。遊踪所至，南至會稽，北至關外，代北，西至關中，凡往來河北諸邊塞者十年。所至輒墾田度地，以備有事。論學主「行己有恥」「博學於文」，以爲經學卽理學，自舍經學而言理學，邪說遂起。以是對於王學空談心性，排斥甚力。其學長於考證，爲清代講樸學者所宗。後卜居華陰以終。所著有日知錄、音學五書、天下郡國利病書、肇域志、亭林詩文集等十數種。

【注釋】

「一」此取論語先進孔子「以吾一日長乎爾，毋吾以也」語意，謂年歲稍長，學識較廣也。

「二」此蓋指有明中葉以後，王守仁之門人王畿、王艮、顏鈞、梁汝元之徒，及清初之好言王學者而言也。

「三」論語子罕：『子罕言：利與命與仁。』「四」論語公冶長：『子貢曰：「夫子之文章，可得而聞也；夫

子之言性與天道，不可得而聞也。』「五」易傳，卽司馬談所云易大傳，世以爲孔子所作繫辭也。「六」

論語子路：『子貢曰：「何如斯可謂之士矣？」子曰：「行己有恥，使於四方，不辱君命，可謂士矣。』」

「七」論語述而：『子曰：「我非生而知之者，好古敏以求之者也。』」「八」尚書大禹謨：『人心惟危，

道心惟微，惟精惟一，允執厥中。』又曰：『欽哉！慎乃有位，敬修其可願，四海困窮，天祿永終。』

「九」論語堯曰篇約述尚書堯命舜之言：『咨爾舜，……允執其中，四海困窮，天祿永終。』「一〇」語見論

語憲問。「一一」語見論語子罕。「一二」哀公，卽魯哀公，春秋魯定公之子，名蔣。爲三桓所攻，出奔衛

，旋歸國，卒於有山氏。『二三』中庸：『不明乎善，不誠乎身矣。』又曰：『誠之者，擇善而固執之者也。博學之，審問之，慎思之，明辨之，篤行之。』『二四』子夏，姓卜，名商，孔子弟子。講學於西河，爲魏文侯所師。『一五』語見論語子張。『一六』識，記也。多學而識，謂「博學於文」，下學之事也。一貫之方，謂「約之以禮」，上達之事也。『一七』祧，去一幺，音挑。古者諸侯宗廟所祀遠祖之世次，率有定制；若逾制則遷之，是曰祧。東魯，指孔子言。二帝，謂堯與舜也。心傳，謂上文之「人心」「道心」。意即含孔子而以堯舜爲宗也。『一八』孟子論性之言，詳孟子告子篇。『一九』六人皆孟子弟子。『二〇』孟子與諸弟子問答，關於出處，去就，辭受，取與之言，如萬章上之答萬章，謂伊尹不以割烹要湯，孔子不以衛蘧伯、齊瘠環爲主；公孫丑上答公孫丑，謂即加齊之卿相而不動心；滕文公下答公孫丑，謂不爲臣不見諸侯，又答陳代，不肯枉道從人；公孫丑下答陳臻，謂無處而餽爲貨取；又滕文公下答周霄，謂君子難仕而惡不由道，答彭更，謂如其道則傳食諸侯不爲泰等是。『二一』伊尹，名摯。初耕於莘野，繼受湯聘，相湯代夏，湯稱之曰阿衡。元聖，猶言大聖。堯舜其君，堯舜其民，謂使君爲堯舜之君，使民爲堯舜之民也。孟子萬章上：『與我處畎畝之中，由是以樂堯舜之道，吾豈若使是君爲堯舜之君哉？吾豈若使是民爲堯舜之民哉？』『二二』孟子萬章上：『伊尹耕於有莘之野，而樂堯舜之道焉。非其義也，非其道也，祿之以天下，勿顧也；繫馬千駟，勿視也。非其義也，非其道也，一介不以與人，一介不以取諸人。』『二三』孟子萬章下

：『孟子曰：『伯夷，聖之清者也；伊尹，聖之任者也；孔子，聖之時者也。』又公孫丑上：『伯夷、伊尹於孔子，若是班乎？』曰：「否；自有生民以來，未有孔子也。」然則有同與？』曰：「有。得百里之地而君之，皆能以朝諸侯，有天下；行一不義，殺一不辜，而得天下，皆不爲也；是則同。」』〔二四〕子張問：『令尹子文何如？』子曰：『忠矣。』曰：『仁矣乎？』曰：『未知焉得仁。』又問：『陳文子何如？』曰：『清矣。』曰：『仁矣乎？』曰：『未知焉得仁。』見論語公冶長。〔二五〕忮，害也，嫉也。求，貪得也。論語子罕：『「不忮不求，何用不臧？」子路終身誦之。子曰：「是道也，何足以臧？」』〔二六〕此孔子論士之言。論語里仁：『子曰：「士志於道，而恥惡衣惡食者，未足與議也。」』〔二七〕此孟子述伊尹以天下自任之言。萬章上：『思天下之民，匹夫匹婦有不被堯舜之澤者，若已推而納之溝中。』〔二八〕語見孟子盡心上。言萬物之理皆具於各人性分之中，惟當自反而實踐之耳。〔二九〕此取孔子「起予者，商也」之意，盼諸同志有以教之，謙辭也。

三 寧南侯傳

侯方域

寧南侯者，姓左氏，名良玉，字曰崑山，遼東「人」也。少起軍校，以斬級「